



故宮珍本叢刊

南北史合注

第五冊 共八冊

故宮博物院編 海南出版社

故宮珍本叢刊第 036 冊史部四庫撤出書

故宮博物院編

南北史合注

第五冊（共八冊）

海南出版社

圖書在版編目(CIP)數據

南北史合注/(明)李清撰. —影印本. —海口:海南出版社,2000.6
(故宮珍本叢刊)

本書與“南唐書合訂/(明)李清撰·國史考異/(清)潘耒章撰”合訂
ISBN 7-80645-662-7

I. 南… II. 李… III. 古代史—中國—宋代 IV. Z121.7
中國版本圖書館 CIP 數據核字(1999)第 68748 號

故宮珍本叢刊第 036 冊

史部四庫撤出書

南北史合注

第五冊(共八冊)

故宮博物院編

責任編輯:李升召

*

海南出版社出版發行

海南省海口市金盤開發區建設三橫路 2 號 郵政編碼:570216

湖南省新華印刷三廠印刷

湖南省長沙市韶山路 158 號 郵政編碼:410004

本書正文用紙由金城造紙(集團)有限責任公司生產

*

2000 年 6 月第 1 版 2000 年 6 月第 1 次印刷

開本:787×1092 毫米 1/16 印張:26.25 印數:1-400 冊

ISBN 7-80645-662-7/Z·12

定價:1420 元(史部四庫撤出書 3 種共 9 冊)

本書如有印裝質量方面問題請與我社或承印廠聯係
我社為本書每冊(種)書新編的目錄均置於每冊書末

欽定四庫全書

南北史合注卷一百

列傳第二

明 李清 撰
北史十四

后妃下

齊神武妻后

柔然郁久間公主 韓太妃 鄭太妃 游太妃 馮徽李娘附

文襄元后

琅琊公主附

文宣李后

段昭儀 王嬪 薛嬪附 廢帝李后

欽定四庫全書

南北史合注
卷一百

孝昭元后

武成胡后 李夫人附

後主斛律后

胡后

穆后

馮淑妃附

周文元后

叱奴后

孝閔元后

明帝獨孤后

武帝阿史那后

李后

宣帝楊后別見

宣帝朱后

陳后

元后

尉遲后

靜帝司馬后

隋文帝獨孤后 陳夫人 蔡夫人附 煬帝蕭后

齊武明皇后婁氏諱昭君贈司徒內干之女少明悟強族多聘之不肯行及見神武城上執役驚曰此真吾夫也乃使婢通意又數致私財使聘已父母不得已許焉神武既有澄清之志傾產結英豪密謀秘策后恒參預及拜渤海王妃間闡之事悉決焉后高明嚴斷雅遵儉約往來外舍侍從不過十人性寬厚不妬神武姬侍咸加恩待一日將出師西侵后夜鬱生一男一女左右請退告神武弗聽曰王出統大兵何得以我故輕離軍幕

欽定四庫全書

南北史合注
卷一百

死生命也來復何為神武聞之嗟嘆良久沙苑敗後侯景請以精騎二萬取宇文黑獺神武悅以告后后曰得獺失景何利焉乃止神武逼於柔然欲娶其女未決后曰國家大計願不疑也及柔然主至避正室處之神武愧謝曰彼將有覺願絕勿顧慈愛諸子不異已出躬自紡績手縫戎衣以帥左右弟昭以功名自達餘親屬未嘗為請爵位每言有材當用私不亂公文襄嗣業進太妃文宣將受魏禪后固執不許之天保初尊為皇太后宮曰宣訓濟南即位尊為太皇太后尚書令楊愔等受遺詔輔

政疎忌諸王太皇太后密與孝昭定策誅之下令廢立孝昭即位復為皇太后孝昭崩下詔立武成大寧二年春太后寢疾四月辛丑崩於北宮年六十二五月甲申葬義平陵太后凡孕六男二女皆感夢孕文襄夢一斷龍孕文宣夢大龍首尾屬天地張口動目勢狀驚人孕孝昭夢蠕龍於地孕武成夢龍浴於海魏二后則夢月入懷孕襄城博陵二王又夢鼠入衣下后未崩有童謠曰九龍母死不作孝及后崩武成時服緋袍如故未幾登三臺置酒作樂宮女進白袍帝怒投諸臺下和士開請止樂

欽定四庫全書

南北史合注
卷一百

帝大怒搥之帝於昆季次實九蓋其徵也

柔然公主郁久閭

阿那瓌女柔然強盛與西魏通和欲連兵東伐神武病之令杜弼使柔然為世子求婚阿那瓌曰高王自娶則可神武猶豫尉景與武明后及文襄並勸請乃從之武定三年使慕容儼往聘八月神武迎於下館阿那瓌使其弟禿突佳來送女且報聘戒曰待見外孫返國主性嚴毅一生不肯華言神武當病不得往主所禿突佳怨恚神武自射堂輿疾以就主神武崩文襄從柔然國法蒸主產一女上黨太妃韓氏軌之妹神武微時欲聘

之軌母不許及神武貴韓氏夫已死乃納之馮翊太妃

鄭氏名大車嚴祖妹初為魏廣平王妃遷鄴後神武納之寵冠後庭生馮翊王潤神武征劉蠡升文襄蒸於大車神武還一婢告之二婢為證神武杖文襄一百幽之武明后亦見隔絕時彭城尔朱太妃有寵生子淑神武有廢立意文襄求救於司馬子如子如來朝偽為不知者請武明后神武告其故子如曰消難亦姦子如妾如此事正可覆蓋妃是王結髮婦常以父母家財奉王王

欽定四庫全書

南北史合注
卷一百

四

在懷朔被杖背無完皮妃晝夜供給視瘡後避葛賊同走并州貧困燃馬屎自作靴思義何可忘夫婦相宜女配至尊男承大業又妻領軍勲何宜搖動一女子如草芥况婢言不必信神武因使子如鞠之子如見文襄尤之曰男兒何意畏威自誣因反二婢辭脅使自縊乃啓神武曰果虛言神武大悅召后及文襄后還見神武一步一叩頭文襄且拜且進父子夫妻相泣如初

愚按歡非為子如欺也糟糠不可棄棄則教薄冢嗣

不可黜則府爭歎非為子如欺乃自欺耳無自欺
真儒而巧自欺奸雄

神武乃置酒曰全我父子者司馬子如賜黃金百三十
斤文襄贈良馬五十疋 高陽太妃游氏父京之為相
州長史神武尅鄴欲納之京之不許遂牽曳取之京之
尋死游氏於諸太妃中最有德訓諸王公主婚嫁常令
主之馮娘者子昂妹也初為魏任城王妃適爾朱世隆
神武納之生浮陽公主李娘者廷實妹初為城陽王妃
欽定四庫全書

南北史合注
卷一百

五

並早卒不為太妃

文襄敬皇后元氏魏孝靜帝妹孝武時封馮翊公主歸
於文襄容德兼美曲盡和敬初生河間王孝琬時文襄
為世子三日孝靜幸世子第贈錦綵及布帛萬匹世子
辭求通受諸貴禮遺於是十屋皆滿次生兩公主文宣
受禪尊為文襄皇后居靜德宮及保天六年文宣漸致
昏狂乃移居高陽之宅而取其府庫曰吾兄昔發我婦
我今須報乃淫於后其高氏女婦無親疎皆使左右亂

交之於前以葛為絙令魏安德主騎上使人推引之又
命胡人若辱之帝又自呈露以示羣下

朱敬則文宣論有云或謂行罵衆僚或擘尻示羣下
蓋指此

武平中后崩附葬義平陵 瑯琊公主名玉儀魏高陽
王斌庶生妹初不見齒為孫騰妓騰又放棄文襄遇諸
途悅而納之遂被殊寵奏魏孝靜封焉文襄謂崔季舒
曰爾由求為我求色不如我自得一絕異者崔遲必當

欽定四庫全書

南北史合注
卷一百

六

造我直諫我亦有以待之及暹諮事文襄不復假以顏
色居三日暹懷刺墜於前文襄問何用此為暹悚然曰
未得通公主文襄大悅把暹臂入見季舒語人曰崔遲
常忿吾佞在大將軍前每言叔父合殺及其自作體佞
乃過於吾玉儀同產姊靜儀先適黃門郎崔括文襄亦
幸之皆封公主括父子由是超授賞賜甚厚

文宣皇后李氏諱祖娥趙郡李希宗女容德甚美初為
太原公夫人及帝將建中宮高隆之高德正言漢婦人

不可母天下宜更擇美配楊愔固請依漢魏故事不改元妃而德正猶固請廢后立段昭儀欲結勲貴援帝不從乃立后帝好撻嬪御至有殺戮者唯后獨蒙禮敬天保十年改為可賀敦皇后孝昭即位降居昭信宮號昭信皇后武成踐阼逼后淫亂云若不許我當殺爾兒后懼從之後有娠太原王紹德至閤不得見愔曰兒豈不知耶姊姊腹大故不見兒后聞之大慙由是生女不舉帝橫刀詬曰爾殺我女我何殺爾兒對后前以刀鏤桀

欽定四庫全書

南北史合注
卷一百

七

殺紹德后大哭帝愈怒裸后亂搗之號天不已盛以絹囊流血淋漓投諸渠水良久乃蘇犢車載送妙勝尼寺后性愛佛法因此為尼齊亡入關隋時得還

趙郡段昭儀韶妹也婚夕韶妻元氏為俗弄女壻法戲文宣文宣銜之後因發怒謂曰我會殺爾婦元氏懼匿姜太后家終文宣世不敢出昭儀才色兼美禮遇殆同正嫡後主時改適錄尚書唐邕 王嬪者瑯邪人嬪姊先適崔脩文宣並幸之數數降其夫家超用脩為尚書

郎薛嬪者本娼家女年十四五時為清河王岳所好其父求內宮中大被寵其姊亦進御文宣後知先與岳通又為其父乞司徒公大怒先鋸殺其姊薛嬪當時有娠過產亦從戮廢帝李皇后文宣皇后之弟女父祖勲後歷殿中尚書孝昭皇后元氏開府元蠻女初為常山王妃

北齊書曰天保時文宣以后故魏宗室欲帝離之陰為廣求淑媛欲移其寵帝雖承旨有納而情義彌重

欽定四庫全書

南北史合注
卷一百

八

天保末賜姓步六孤氏及孝昭即位立為皇后帝崩從梓宮之鄴始度汾橋武成聞后有奇樂追索不得使闍人就車頓辱降居順成宮武成既殺后子樂陵王后被闕隔不得與家相知忽宮內有飛語帝令檢推得后父兄書信蠻坐免官后以齊亡入周氏宮隋文帝作相放還山東

武成皇后胡氏安定胡延之女母范陽盧道約女也初懷孕有胡僧詣門曰此宅瓠蘆中有月既而生后天保

初為長廣王妃產後主日有鶚鳴產帳上武成崩尊為
皇太后陸媼及和士開密謀殺趙郡王劼出婁定遠元
文選為刺史並諂事太后初武成時后與諸閹褻狎武
成寵幸和士開每與后握槊因此與后姦自武成崩後
數出詣佛寺又與沙門曇獻通布金錢於獻席下又挂
寶裝胡床於獻屋壁武成平王所御也乃置百僧內殿
託以聽講日夜與曇獻寢處以獻為昭玄統僧徒遥指
太后戲曇獻謂為太上皇帝聞太后不謹未之信後朝

欽定四庫全書

南北朝史合注
卷一百

太后見二少尼悅而召之乃男子也於是曇獻事亦發
皆伏法并殺元山王三郡君皆太后所昵也帝自晉陽
奉太后還鄴至紫陌卒遇大風舍人魏僧伽明風角奏
即時當有暴逆事帝詐云鄴中有急彎弓纏稍馳入南
城令鄧長顓幽太后北宮仍敕內外諸親不得相見久
之帝迎復太后太后初聞使至大驚慮有不測每太后
設食帝亦不敢嘗周使元偉來聘作述行賦叙鄭莊公
剋段遷姜氏文雖不工當時深以為愧齊亡入周恣行

姦穢開皇中死 宏德夫人李氏趙郡李叔讓女初為
魏孝靜嬪武成納焉

是魏孝靜出宮時咏陳思王詩之趙國李嬪即可嘆
生南陽王仁盛為太妃姊為南安王思妃坐夫反焚死
太妃聞之發狂薨 文宣王嬪及中人盧勒义妹武成
並以為嬪武成崩後胡后令二嬪自殺二嬪悲哭後主
為惻愴私遺衣物令出外避焉盧養淮南王後為太妃
又有馬嬪亦得幸為后所妬自縊死彭樂任祥並有女

欽定四庫全書

南北朝史合注
卷一百

因坐父兄事皆入宮為文宣所幸武成以彭為夫人養
齊安王任生丹楊王並為太妃

愚按高歡父子兄弟內亂穢甚於元令人思歡納兩
爾朱后事

後主皇后斛律氏左丞相光女初為皇太子妃後主受
禪立為皇后武平三年正月生女帝欲悅光詐稱生男
為大赦光遇害后廢在別宮後令為尼齊滅嫁開府元
仁

元仁魏宗室也今亦納高家一后即當於此着眼

後主皇后胡氏隴東王長仁女胡太后自愧失母儀之道欲求悅後主故飾后宮中令帝見之帝果悅立為宏德夫人進左昭儀大被寵愛斛律后廢陸媼欲以穆夫人代太后不許祖珽請立胡昭儀遂進為皇后既非陸媼勸立又意在穆夫人後於太后前作色曰何物親姪女作如此語太后問何語曰不可道固問之乃誣后語大家云太后行多非法不可以訓太后大怒喚后出立

欽定四庫全書

南北史合注
卷一百

十二

剃其髮送還家帝思之每致詩通意後與斛律廢后俱召入內數日鄴不守後亦改嫁

後主皇后穆氏名邪利本斛律后從婢也其母名輕霄本穆子倫婢轉入侍中宋欽道家私生后莫知氏族或云后即欽道女小字黃花後字舍利欽道婦妬輕霄黥其面為宋字欽道伏誅黃花因入宮幸於後主宮內稱為舍利大監女侍中陸媼知其寵養為女薦為宏德夫人武平元年六月生皇子恒時後主未有儲嗣斛律

后丞相光女也慮其懷恨先令母養之立為皇太子陸

以國姓之重穆陸相對又奏賜姓穆氏胡后之廢陸有助焉遂立為皇后大赦初有折衝將軍元正烈於鄴城東水中得璽以獻文曰天皇后璽蓋石氏所作詔書頒告以為后瑞武成為胡后造真珠裙袴所費不可勝計為人所焚後主既立后復營之屬周武遭太后喪詔侍中薛孤康買等往吊又遣商胡齋錦綵三萬疋與弔使同往欲市真珠為后造七寶車周人不與交易然竟造

欽定四庫全書

南北史合注
卷一百

十三

焉先是童謠曰黃花勢欲落清觴滿杯酌言黃花不久也後主自立穆后昏飲無度故云清觴滿杯酌又詔改陸息駱提婆姓為穆以后故也后既以陸為母提婆為家遂路人視輕霄輕霄後自瘞面欲求見為陸所禁遏竟不得

隋書五行志曰齊穆后將如晉陽向北宮亂胡太后至宮內門所乘七寶車無故陷入於地牛沒四足是年齊滅后被擄入長安

馮淑妃名小憐大穆后從婢穆后愛哀以五月五日進之號續命慧黠能彈琵琶工歌舞後主惑之坐同席出並馬願得死生一處命淑妃處隆基堂妃惡曹昭儀常居之悉令反易其地周師取平陽帝獵於三堆晉州亟告急帝將還妃請更殺一圍帝從其言識者以為後主名綿殺圍非吉徵及帝至晉州城已欲沒作地道攻之城陷十餘步將士乘勢欲入帝敕且止召妃共觀妃粧點不時至周人以木拒塞城遂不下舊俗相傳晉州城

欽定四庫全書

南北朝史合注
卷一百

十三

西石上有聖人跡妃欲往觀帝恐弩矢及橋故抽攻城木造遠橋監作舍人以不速成受罰帝與妃度橋橋壞至夜乃還稱妃有功將立為左皇后即使馳取皇后服御仍與並騎觀戰東偏少却妃怖曰軍敗矣帝遂以妃奔還至洪洞戌妃方粉鏡自玩後亂唱賊至復走內叅自晉陽以皇后禕翟至帝為按轡命妃著之然後去帝奔鄴太后後至帝不出迎妃將至鑿城北門出十里迎之復以妃奔青州後主至長安請周武帝乞妃帝曰朕

視天下如脫屣一老嫗豈與公惜也仍賜之

三國典畧曰初武成殂後有童謠曰千錢置果園中有芙蓉樹破券不分明蓮子隨他去調甚悲苦至是乃應時妃名小憐故也

及帝遇害以賜代王達甚嬖之妃彈琵琶因斷絃作詩曰雖蒙今日寵猶憶昔時憐欲知心斷絕應看膝上弦達妃為妃所諧幾致於死隋文帝以賜達妃兄李詢令著布裙配春詢母逼令自殺

欽定四庫全書

南北朝史合注
卷一百

十四

隋書五行志曰齊亡後后妃貧者至賣燭為業後主以李祖欽女為左昭儀進為左娥英裴氏為右娥英娥英者取舜妃娥皇女英其名陽休之所制樂人曹僧奴進二女大者忤旨剥面皮少者彈琵琶為昭儀封僧奴曰南王僧奴死又貴其兄弟妙達等二人同日皆封郡王為昭儀別起隆基堂甚綺麗陸逞誣以左道殺之又有董昭儀毛夫人彭夫人王夫人小王夫人二李夫人皆寵毛能彈箏本和士開薦幸者彭以音技進卒

於晉陽為造佛寺與總持相埒一李是隸戶女以五絃
進一女即孝貞女小王生一男諸閹人在傍皆蒙賜給
毛兄思安超登武衛董父賢義亦作軍主田昭儀父亦
超登開府自餘姻屬多至大官

周文皇后元氏魏孝武妹初封平原公主

按本史張欣傳即張歡傳稱平陽公主時平原公主
從孝武入關無兩平原理宜從欣傳

適開府張歡歡性貪殘遇后無禮后怒愬帝殺歡改封

欽定四庫全書

南北史合注
卷一百

五

后馮翊公主以配周文帝生孝閔魏大統十七年薨恭
帝三年十二月合葬成陵孝閔踐阼追尊為王后武成
初又追尊為皇后

文宣皇后叱奴氏

內入諸姓叱奴氏魏孝文改狼氏西魏時復舊

代人周文帝為丞相納為姬生武帝天和三年六月尊
為皇太后建德三年三月崩五月葬永固陵

孝閔皇后元氏名胡摩魏文帝第五女初封晉安公主

帝為畧陽公尚馬及踐阼立為王后帝被后為尼建德
德初武帝誅晉公護上帝尊號以后為孝閔皇后居崇
義宮隋革命後出居里第大業十二年崩

明敬皇后獨孤氏

內入諸姓獨孤氏孝文改劉氏後周隋唐時又復舊
太保衛公信長女帝在藩納為夫人二年正月立為王
后四月崩葬昭陵武成初追崇為皇后明帝崩與后合
葬

欽定四庫全書

南北史合注
卷一百

十六

獨異志曰信三女生三天子長生周武帝次生隋煬
帝三生唐高祖讀此方知長女為明帝后武帝嫂非
母也

武成皇后阿史那氏突厥木杆可汗侯斤之女突厥滅
柔然盡有塞表地志陵中夏周文方與齊人爭衡結為
援侯斤初欲以女配帝既而悔之武帝即位前後累遣
使要結乃許歸后保定五年二月詔陳公純許公宇文
貴神武公竇毅南安公楊符等備皇后文物及行殿并

六宮以下一百二十人至俟斤牙所迎后俟斤又許齊
婚將有異志純等累請不得反命會雷風大起飄壞其
宮廬俟斤以為天譴乃禮送后純等奉以歸天和三年
三月至武帝親迎之后有姿貌善容止帝深敬禮

宋初新唐書竇后傳云武帝以突厥女為后姿陋寵
后時為帝甥女竇諫曰吾國未靖虜且強願抑情撫
接以取合從則江南關東不吾梗與此不同

宣帝即位尊為皇太后大象元年二月改天元皇太后

欽定四庫全書

南北史合注
卷一百

十七

二年二月又尊曰天元上皇太后宣帝崩靜帝尊為太
皇太后隋開皇二年殂年三十二詔有司備禮祔葬后
於孝陵

武皇后李氏名娥姿楚人于謹平江陵后家被籍沒至
長安周文以后賜武帝後得幸生宣帝宣政元年七月尊
為帝太后大象元年二月改為天元帝太后七月又尊
為天皇太后二年二月尊為天元聖皇太后宣帝崩靜
帝尊為太帝太后隋開皇元年三月為尼改名常悲八

年殂以尼禮葬京城南

宣帝后朱氏滿月吳人家生事沒東宮宣帝為太子后
被選掌衣帝召幸之遂生靜帝大象元年四月立為天
元帝后七月改為天皇后二年二月又改為天大皇后
后本非良家又長帝十餘歲疎賤無寵以靜帝故特尊
崇之班亞揚后宣帝崩靜帝尊后為帝太后隋開皇元
年二月為尼改名法淨六年殂以尼禮葬京城南

宣帝后陳氏名月儀自云潁川人大將軍山提第八女

欽定四庫全書

南北史合注
卷一百

十八

大象元年六月以選入宮拜德妃月餘日立為天左皇
后二年二月改天左大皇后二月又詔以坤儀比德土
數惟五四大皇后外增置天中大皇后一人以后為天
中大皇后帝崩后為尼改名華光唐永徽初終父山提
本爾朱兆隸仕齊位特進開府東兗州刺史謝陽王武
帝平齊拜大將軍封浙陽公大象元年以后父超授上
柱國進鄴國公除大宗伯
宣帝皇后元氏名樂尚河南洛陽人開府晟第二女年

十五被選入宮拜貴妃大象元年七月立為天右皇后
二年二月改天右大皇后帝崩后為尼改名華勝初后
與陳后同時選入宮俱拜為妃及升后又同日受冊寵
遇均等年齒復同特相親愛及為尼後李朱及尉遲后
相繼歿而二后至唐貞觀中尚存后父晟少以元氏宗
室拜開府大象元年七月以后父進上柱國封翼國公
宣帝皇后尉遲氏

內入諸姓尉遲氏孝文改尉氏西魏復舊至唐不改

欽定四庫全書

南北史合注
卷一百

十九

名繁熾蜀公迴孫女有美色初適杞公亮子西陽公溫
以宗婦例入朝帝逼幸之及亮謀逆帝誅溫追后入宮
拜長貴妃大象二年三月立為天右大皇后帝崩后為
尼改名華道隋開皇十五年殂

噫魏恭帝若干后不為尼周世乎觀此五尼所謂其
則不遠

靜帝司馬皇后名令姬柱國榮陽公消難女大象元年
二月宣帝傳位於帝七月納為皇后宣帝命也二年九

月隋王楊堅輔政以后父奔陳廢后為庶人後嫁隋司州
刺史李丹唐貞觀初猶存

隋文獻皇后獨孤氏諱伽羅河南洛陽人周大司馬衛
公信女信見文帝有奇表故以后妻之時年十四帝與
后相得誓無異生子后姊周明帝后長女周宣帝后貴
戚之盛莫與為此而后每謙卑自守及宣帝崩隋文居
禁中總百揆后使李圓通謂帝曰騎虎之勢必不可下
勉之及受禪立為皇后突厥嘗與中國交市有明珠一

欽定四庫全書

南北史合注
卷一百

二十

篋價直八百萬幽州總管陰壽白后市之后曰當今戎狄
屢寇將士罷勞未若以八百萬分賞有功百寮聞而畢
賀文帝甚寵憚之帝每臨朝后輒與帝方輦而進至閤
乃止又使宦官伺帝有失則必匡諫多所宏益帝退朝
乃同反宴寢相顧欣然后早失二親常懷感慕見公卿
有父母者每為致禮有司奏曰周禮周官之妻命於王
后憲章在昔請依古制后曰以婦人與政或從此漸不
可開也不許后每謂諸公主曰周家公主類無婦德失

禮舅姑離薄人骨肉爾等當誡之后姑子都督崔長仁犯法當斬文帝以后故免之后曰國家之事焉可顧私長仁竟坐死異母弟阼以猫鬼巫蠱詛后坐當死后三日不食為請命曰阼若蠱政害民不敢言今坐為妾身敢請其命阼得減死一等后雅性儉約帝嘗合止痢藥須胡粉一兩因宮內不用求竟不得又欲賜柱國劉嵩妻織成衣領宮內亦無帝以后不好華麗故齊七寶車及鏡臺絕巧麗使毀車以鏡臺賜后后雅好讀書識達

欽定四庫全書

南北史合注
卷一百

王

今古言事皆與意合宮中稱二聖后兄女夫死於并州后嫂以女有娠請不赴葬后曰婦人事夫何容不往其姑在宜自諂之姑不許女遂行后頗仁愛每聞大理決囚未嘗不流涕然性妬後宮莫敢進御尉遲迴女孫美先在仁壽宮帝見而悅之得幸后伺帝聽朝陰殺之帝大怒單騎從苑中出不由徑路入山谷間三十餘里高頗楊素等追及扣馬諫帝太息曰吾貴為天子不得自由頗曰陛下豈以一婦人輕天下帝意少解駐馬良久

夜方還宮后候於閤內及帝至流涕拜謝頗素等和解之帝置酒極歡后自此意頗折初后以頗是父家客甚見親禮至是聞頗謂已為一婦人因銜恨又以頗夫人死其妾生男益不善漸加譖毀帝亦唯后言是用后見諸王及朝士有妾孕者必勸帝斥之時皇太子多內寵紀元氏暴薨后意太子愛妾雲氏害之由是諷帝黜頗竟廢太子立晉王廣皆后謀也仁壽二年八月甲子日暈四重已巳太白犯軒轅其夜后崩於永安宮年五十

欽定四庫全書

南北史合注
卷一百

王

九葬太陵后崩後宣華夫人陳氏華容夫人蔡氏俱寵帝頗惑之由是發疾及危篤謂侍者曰使皇后在吾不及此 宣華夫人陳氏陳宣帝女性聰慧姿貌無雙陳滅配掖庭後選入宮為時獨孤后妬後宮罕得進御唯陳氏有寵煬帝在藩陰有奪宗計規為內助每致禮馬進金蛇金駝等物以取媚陳氏皇太子廢立頗有力焉及后崩進貴人專房擅寵主斷內事六宮莫比帝大漸遺詔拜為宣華夫人初帝寢疾仁壽宮夫人與太子同

視疾平旦出更衣為太子所逼拒之得免歸於帝所帝怪其色有異問之夫人泣然曰太子無禮

趙毅大業畧記以陳夫人為蔡夫人當從隋書

帝恚抵牾曰畜生何堪付大事獨孤誤我意謂文獻后也因呼兵部尚書柳述黃門侍郎元巖曰呼我兒述等呼太子帝曰勇也迷巖出閣為敕訖示左僕射楊素素白太子遣張衡入寢殿令夫人及後宮同侍疾者並就別室俄聞帝崩未發喪夫人與諸後宮相顧曰事變矣

欽定四庫全書

南北史合注
卷一百

三

皆色動股慄晡後太子遣使者齎金合帖紙於際親署封字以賜夫人夫人見之惶懼疑為鴆也不敢發使者促之乃發見合中有同心結數枚諸宮人相謂曰得免死矣夫人恚而却坐不肯致謝諸宮人共逼之乃拜使者其夜太子蒸馬賜帝即位出居仙都宮尋召入歲餘終年二十九帝深悼之為製神傷賦容華夫人蔡氏丹陽人陳滅選入宮為世婦容儀婉嫕帝甚悅之以文獻后故希得進幸后崩後漸見寵拜為貴人參斷宮掖

亞於陳氏帝寢疾加號容華夫人帝崩後自請見煬帝言事亦為帝所蒸

煬帝愍皇后蕭氏梁孝明帝女江南風俗二月生子者不舉后以二月生季父爰收養之未幾爰夫妻俱死轉舅張軻家軻甚貧后躬親勞苦煬帝為晉王文帝選妃於梁卜諸女皆不吉梁明乃迎后舅氏令使者占之吉遂北為妃后性婉順有智識好學解屬文頗知占候文帝大善之煬帝甚寵敬焉及嗣位立為皇后帝每遊幸

欽定四庫全書

南北史合注
卷一百

十四

未嘗不從時后見帝失德心知不可不敢措言因為述志賦自寄其詞曰承積善之餘慶備箕箒於皇庭恐脩名之不立將負累於先靈迺夙夜而匪懈實實懼於玄冥雖自強而不息亮愚蒙之多滯思竭節於天衢才追心而弗逮實庸薄之多幸荷隆寵之嘉惠賴天高而地厚屬王道之昇平均二儀之覆載與日月而齊明賴春生而夏長等品物而同榮願立志於恭儉私自兢於誠盈孰有念於知足苟無希於濫名惟至德之宏深情弗

欽定四庫全書

南北史合注
卷一百

五

適於聲色感懷舊之餘思求故劍於宸極叨不世之殊
 盼謬非才而奉職何寵祿之踰分撫胸襟而未識雖沐
 浴於恩光內慙惶而累息顧微躬之寡昧思令淑之良
 難實不遑於啟處將有情而自安若臨深而履薄心戰
 慄其如寒夫居高而必危每處滿而防溢知恣夸之非
 道乃攝生於冲謐嗟寵辱之易驚尚無為而抱一履謙
 光而守志且願安乎容膝珠簾玉箔之奇金屋瑤臺之
 美雖時俗之崇麗蓋哲人之所鄙愧締綵之不工豈絲
 竹而喧耳知道德之可尊明善惡之由已蕩覽煩之俗
 慮乃服膺於經史綜箴誡以訓心觀女圖而作軌遵古
 賢之令範冀福祿之能綏時循躬而三省覺今是而昨
 非嗤黃老之損思信為善之可歸慕周似之遺風美虞
 妃之聖則仰先哲之高才慕至人之休德質菲薄而難
 蹤心恬愉而去惑乃平生之耿介實禮義之所遵雖生
 知之不敏庶積行以成仁懼達人之益寡謂何求而自
 陳誠素志之難寫同絕筆於獲麟及帝幸江都臣下離

貳

欽定四庫全書

南北史合注
卷一百

五

資治通鑑曰帝自曉占候卜相好為吳語嘗夜置酒
 仰視天文謂后曰外間大有人圖儂然不失為長城
 公卿不失為沈后且共樂飲耳因飲滿沉醉又嘗引
 鏡自照顧后曰好頭頸誰當斫之后驚問則笑曰貴
 賤苦樂更迭為之亦復何傷
 有宮人白后曰外間人人欲反后曰任汝奏之宮人言
 於帝帝大怒曰非汝宜言斬之後宮人復白后曰宿衛
 者往往偶語謀反后曰天下事一朝至此已無可救何
 用言之徒令帝憂煩耳自是無復言者及宇文文化及之
 亂隨軍至聊城化及敗沒於竇建德建德妻曹氏妬悍
 煬帝妃嬪美人並使出家并后置於武強縣是時突厥
 處羅可汗方盛其可賀敦即隋義城公主也遣使迎后
 建德不敢留遂携其孫正道及諸女入虜庭唐貞觀四
 年破突厥皆以禮致之歸京師賜宅興道里二十一年
 崩詔以后禮合葬於揚州煬帝陵謚曰愍

別記載侯夫人事夫人色美入宮不得進御一日自
經棟下臂懸錦囊中有文左右取以進帝乃詩也內
自感三首與自傷一首尤為悽婉帝見之反覆傷感
往視其尸猶潔美如生乃責中使許廷輔不選入迷
樓罪賜自盡厚葬夫人帝酷好其詩誦不去口命樂
府歌之 東恭帝母劉氏孝成皇帝良姊也帝即位
尊為皇太后王世充專政加號聖感皇太后後不知
所終西恭帝母韋妃無考

欽定四庫全書

南北史合注
卷一百

七

論曰男女正位人倫大綱三代以還逮於漢晉何嘗不
敗於矯諛而興於聖淑至如后稷稟靈巨迹神元生自
天女克昌來葉異世同符此後諸婦無足論者文明邪
險幸不墜國靈后淫恣卒亡天下傾城之誠其在茲乎
若乙后迫於畏逼有足傷矣昔鈞弋年少子幼漢武所
以行權魏世遂為常劓子貴母必死矯枉不亦過乎孝
文終革其失良有以也神武明追蹤周亂後主敗家馮
妃比跡褒后汙隆之義蓋有係焉周氏粵自文皇逮乎

武帝年踰二紀世歷四君業非草昧之辰事殊權宜之
日乃棄同即異自我作古既而報者倦矣施者無厭向
所謂和親未幾已成讎敵奇正之道有異於斯歷觀前
載以外戚而居宰輔者多矣而傾漢室者王族喪周家
者楊氏何滅亡之禍若合符焉隋文取鑒已往大革前
失故母后之家不罹禍敗獨孤權無呂霍獲全仁壽之
前蕭氏勢異梁竇不傾大業之後

欽定四庫全書

南北史合注
卷一百

八

以道便謂人無忠信父子之間尚懷猜阻夫婦之際
其何有焉暨乎國破家亡竄身無地飄流異域惜哉
或不隕舊基或更隆克構豈非處之以道所致然乎

南北史合注卷一百